

DISSERTATIO INAUGURALIS MEDICA

DE

# VOMITORIORUM USU ET ABUSU,

QUAM

GRATIOSO FACULTATIS MEDICÆ CONSENSU,

PRÆSIDE

DN. JOANNE FRIDERICO  
DE PRE,

PHILOSOPHIÆ ET MEDICINÆ DOCTORE, ANATOMIÆ, BOTANICES  
ET CHIRURGIÆ PROFESSORE PUBLICO, NEC NON FACULTATIS MEDICÆ  
ASSESSORE ORDINARIO,

TRONO ET PROMOTORE SUO OMNI HONORIS  
CULTU SEMPER COLENDO,

*IN PERANTIQUA ELECTORALI HIERANA*

## PRO GRADU DOCTORALI

IMMISQUE IN ARTE MEDICA HONORIBUS, INSI-  
GNIBUS ET PRIVILEGIIS MORE MAJORUM SOLENNI  
OBTINENDIS,

PUBLICÆ ERUDITORUM VENTILATIONI  
SUBMITTET,

CHRISTOPHORUS LUDOVIC. ROSENHAYNIUS,

ISLEBIO-MANSFELDENSIS,

*AD DIEM XXV. MAJI ANNI MDCCXIX.*

HORIS ET LOCO CONSUETIS.

---

ERFORDIÆ, Typis JOHANNIS HENRICI GROSCHII, Academiæ Typographi.

THE NEW YORK PUBLIC LIBRARY

ASTEN LENOX AND TILDEN FOUNDATIONS

1009 5TH AVENUE NEW YORK 17, N.Y.

DATE

BY

FOR

RECEIVED

LIBRARY

OF THE

NEW YORK PUBLIC LIBRARY

ASTEN LENOX AND TILDEN FOUNDATIONS

1009 5TH AVENUE NEW YORK 17, N.Y.





## PROŒMIUM.



Apienter & præclarè magnus  
 ille & peritissimus naturæ con-  
 sultus *Hippocr. L. de Art. Sect.*  
*7. quæ profunt, eò, quod rectè*  
*usurpata fuerunt, proficiunt: quæ*  
*vero nocent, ob id nocent, quod*  
*non rectè fuerunt usurpata.* Hu-  
 jus rei testimonium & documentum luculentissi-  
 mum res, quibus ad vitam & sanitatem homo ne-  
 cessariò utitur, & non naturales à *Galeno* appellan-  
 tur, præbent, quemadmodum enim abusu aëris,  
 potûs, cibi, motûs, somni & quietis maximum da-  
 mnum & noxam, ita etiam eorum recto usu mul-  
 tum commodi & utilitatis sibi homo procurare  
 potest. Verùm enim verò nihil magis, quam be-  
 nè & malè administrata medicamenta hoc ipsum  
 comprobant, & huic sententiæ videntur assenti-  
 re; sicut enim nulla res ex alimentorum classe per  
 se & absolutè semper salutaris & noxia existit, sed  
 semper respectu usûs & abusus; ita multò minùs



virtus & effectus , ut vulgaris Empiricorum sententia , ipsis remediis inest , quæ ad nocendum , si iis abutuntur , æquè ac ad juvandum , si rectus usus accedit , prompta sunt. Si quis verò remedium usum & abusum rectè cognoscere cupit ; is certè non fallaci , sed verâ experienciâ & fundatâ ratione debet esse instructus. Quemadmodum enim temeraria & fallax experientia imperitorum , qui protinus faustum vel infaustum post remedium assumptum effectum ipsi remedio adscribunt , minus ad scopum obtinendum januam aperit ; ita Ratio sive Theoria medica , quæ solidas , certas & evidentes causas , cur medicamenta vel noxam vel utilitatem afferunt , explicare , adeoque eorum usum & abusum detegere debet , minus solidas , sed meras opiniones , fictiones , speculationes & probabiles conjecturas , quæ nec explicari , nec demonstrari possunt , profert , minus satisfacit intentioni , ideoquè scitè rursus pronuntiat *Hippocr. l. c.* *Quod Medicus omnia benè fundatâ ratiocinatione facere debeat , & quod opinio in medicina in crimen vertenda sit , quia pernitiem affert.* Et hoc est , cur ad tam multos errores & dissensiones via sternitur atque panditur , quod unus medicamentum omni laude dignum esse judicat , & quasi ad cœlum attollit , alter vero deprimit , & quasi ad orcum solet damnare. Quem enim latitat ? quod multi opiata divinis laudibus celebrare non vereantur , alii vero instar veneni fugere debeant. Quis nescit ? quod ̃lia olim inter venena fuerint numerata ; jam vero

ro



ro ex iis Panaceas seu medicinas universales comparare contendunt. Quis ignorat? quod multi Medici cum *Asclepiade* emetica è foro medico velint tollere; sine quibus verò alii nolunt esse Medici. Et multa alia sunt, quæ ob brevitatis studium silentio præterire volumus, & conferri potest *Cl. Hoffm. Diss. de Rat. Pras. univers. Medic.* Nos verò saltem annotamus, quod quidem Vomitoria seu Emetica heroica & divina remedia existant, sed magnâ cautione, magnâque curâ opus habeant, & quod ea, ut maximum commodum; ita irreparabile damnum & perniciem corpori humano inferre possint. Medici verò, nunquam homini nocendi, sed semper & omni studio juvandi officium est. *Quemadmodum enim optimi Oratoris & prudentis omni ratione prodesse reo, imprudentis verò & prævaricatoris causæ nocere; ut scribit Antonius apud Marcum Tullium; ita periti & circumspecti Medici est, omni ratione ægrum juvare, & saltem non nocere. Imperiti verò ut scribit Hipp. lib. 1. Epid. Sect. 2. nimis multa moliendo morbos augent & non profligunt, aut retundunt.* Et profectò incredibilis noxa est, quam Medici minus periti in morborum curatione ægrotis inferunt, ideoque non raro plus periculi a perversis remediis ægris immineret, quam ab ipso morbo, quare *Crato in Cons. III. Scholt* hunc in modum conqueritur. *Sunt, qui, cum in imperitos Medicos incidunt, importunis atque intempestivis medicationibus graviter adfligantur, siquidem pharmaca exhibita plus damni illis adferunt,*



quàm ex morbo esse poterat, cuius causâ medicamentum fuit institutum. Et hæc noxa, quam Medici ægrotis inferunt & quidem præter omnem opinionem & voluntatem suam, non aliam ob rationem, quàm quod salutarem remediorum usum a pernitiali abusu non rectè distinguere sciant. Et itaque non dubito, quin etiam ob hanc ignorantiam tanta noxa, tantaque pernities, quæ multis proh! tristibus & infaustis exemplis satis quotidie comprobatur, ægrotis per vomitoria inferatur; id verò damnum nullo modo potest præcavere, nisi eorum salutarem usum & abusum perniciosum benè intelligere discat. Quamobrem in præsentī Dissertatione de Vero Vomitorium Usu & Abusu agere constituimus; Summum verò Numen cœptis nostris adesse velit, & labori nostro faveat, quem prospero successu ornet, ejus benignitatem demississimo cultu imploramus.

Thesis I.

**P**riusquam verò ad nostri propositi tractationem perveniamus, inque nostro instituto progrediamur, & emolumenta ac damna vomitoriorum rite exponamus, utile ac è re fore judico, ut, quid per Vomitoria seu emetica intellectum velimus demonstremus. Ast in prælimine quasi monendum esse duco, quod omnia ea excludamus, & improprie talia sint, & adjuvantia magis actum vomendi, quæ id præstant titillando fauces, ut linguæ depressio in infantibus, digitus in fauces dimissus & similia mechanica. Quod minus etiam a nobis intel-



intelligentur aqua tepida, oleosa & pinguis, quæ si assumuntur, facile nauseam & vomitum excitant, & magis sunt inusitata, quibus directe expedias vomitum, sed si in hunc censum veniunt, nonnisi secundo, improprie & per accidens id præstant, quia ventriculi orificium superius laxatur, ut tam arcte se non possit claudere, unde liquor assumptus a ventriculo se constringente compressus citius ad orificium sinistrum, adeoque ad gulam quam ad dextrum orificium pervenit & rejicitur. Præterea quod nullus sermo nobis sit de iis, quæ solâ quantitate & copiâ assumpta id præstant, quatenus ventriculus copiâ aggravatus tandem insurgit, ut excernat per superiora illa, quæ intus molestant. At illa a nobis indigitantur, & vocantur vomitoria seu emetica, quæ subtiliori volatili acri sulphure & sale tunicas nervosas ventriculi & duodeni stimulando agunt, & saburram biliosam viscidam ex ventriculo & primis intestinis per duodenum per vomitum educunt. De iis vero agere & sermonem instituere decrevimus, & naturam, indolem & modum agendi vomitoriorum inquirere, & ipsum quoque locum, in quo Emetica operationem & negotium potissimum habent, & perficiunt, determinare ac perspicere constituimus.

### Thesis II.

Primum omnium verò, quo veritas dilucide appareat, nos convertamus ad examinandum & inquirendum, in quam corporis parte & in quibus locis stationem potissimum habeant, & operationem suam medicamenta sic dicta Vomitoria exerant. Maxime omnium verò ventriculum & duodenum vomitoriis affici, dolores, qui perceptiones & sensationes sunt cum magna molestia conjunctæ a violentia Emetici partibus corporis nostri per nervosis & membranosis inducta post medicamenta vomitum excitantia sequentes & vomitoria con-

comi-



comitantes optimè asserunt & comprobant. Tanti enim dolores non raro circa hanc regionem ab Emeticis p̄s. fortioribus excitantur, & saviunt adeo, ut quasi has partes inverti, & è sede sua convelli conquerantur. Verum enim verò eorum corpora dissecta antea sana & robusta violentia Emetici extincta nos certiores faciunt. Vitium enim, quod vomitoria intulerunt, in ventriculo & duodeno præcipue conspicitur & sphacelatio ab inflammatione, quæ a spasmo, quo operantur Emetica, intensiori & violentiori generantur, in his partibus maxime reperitur. Exinde non aliter concludere possumus, quam uti in his partibus maligno pharmaco affectis infauſta; ita etiam fausta, quæ tantummodo gradu differt, operatio peragitur & celebratur.

### Thesis III.

Cum vero maxime Emeticorum negotium in partibus membranaceis ventriculo nempe & duodeno absolvatur, non minorem harum structura attentionem desiderat. Ex anatomia vero colligitur eas partes, quæ ex membranis constant & constituta sunt, parum sanguinis vehere, easdem verò multis nervorum ramis fibrisque carneis eo fine instructas esse, ut & contrahere & relaxare se possint. Quibus causis ad spasmos principio in contractionem conjici possunt. Ast licet substantia ventriculi p̄s. ejus orificii & duodeni sit maxime nervosa, & huic duo nervi insignes inferantur a sexto pari per œsophagi latera decurrentes, & a ramo, qui ad pylorum tendit, in duodenum ramuli sparguntur; tamen hæ partes sensu hebetiore pollent, & neque salinorum, neque purgantium stimulos sentiunt. At si quis considerat tunicam nerveam, in qua maxime sensatio & perceptio est, crusta villosa tegi & hoc sapienti & prudenti naturæ consilio factum esse mihi persuadeo, ne bile vel alimentis, quæ in his partibus morantur, irritata hæc tunica  
con.



continuò molesta sit sanitati, subinde mirari desinit, quod etiam *Hipp.* innuere videtur, dum ventriculum & ego addo duodenum, vocat firmum & non a medicamenti facile exulcerari. Unde quisque intelligere poterit, quod medicamenta, si operatio feliciter succedat, activiora vel volatilia desiderantur, & hæc sunt maxime omnium emetica, quæ culinæ & non cloacæ sunt destinata.

#### Thesis IV.

Has igitur partes, in quibus operatio Emeticorum fieri solet, esse ventriculum & duodenum id extra omne dubium positum esse censemus, & firmiter nos statuimus, sed minime annexas partes excludimus, & eas adæquatè affici non negamus. Dicimus enim vomitorium intra ventriculum assumptum & solutum, & ad duodenum vim emeticam medicamenti derivatam vellicando & irritando motum harum partium invertere, & ab eo annexas consensu nervorum simul affici, spasmodice crispari atque contrahi & ita intestina vasa mesaraica, hepatis, lienem, pancreas exhauriri, indeque noxios humores elici. Inter omnes enim, qui anatomix non ignari sunt, constat, quod partes nervæ inter se conspirent, unde iste consensus excitatur.

#### Thesis V.

His consideratis & jam pertractatis res nostri instituti postulat, ut naturam & indolem illorum, quæ noxios humores & vitiosam materiam è ventriculo & annexis partibus per superiora evacuant, & ad vomitum excitandum apta consideremus & examinemus. Nos vero dicimus omnia ea esse indolis salino sulphureæ acris volatilis, quoniam non omnia salia, uti sunt neutra, media, salia etiam acida tali facultate pollent, hæc enim sunt fixioris naturæ

B &



& spiculis crassioribus dotata, & in tenuissimos fibrillarum membranacearum poros non fatis penetrant, & minorem ingressum habent, sed multo subtiliora & volatilia esse debent & requiruntur, qualia sunt sulphurea & acria, quæ motu intestino ætheris stipata longè penetrantiora & intimioris admissionis sunt, undè etiam observamus coctione sulphur & sal volatile, quod maxime vomitum ciere solet ex vegetabilibus in auras avolare & dejici. Quinimò calore ignis solaris si vitri & ij pulvis subtilissimus ad aliquot septimanas soli exponatur calido, verba sunt Quercet activum principium abigi potest, & licet de eo postea etiam majori dose propinetur, nullarum virium ad evacuandum & movendum corpus esse futurum. Id quoque manifestum evadit, quod sulphur antimonii cum partibus mercurialibus seu salinis volatilibus mediante explodente Otri sufficiente quantitate additâ abigi possit, & omnis vis emetica remanentibus partibus fixioribus statim intereat.

#### Thesis VI.

Cum verò videmus Emericorum vim ab acido infringi & effectum suum sæpius amittere, & ob id quoque Hippocr. L. 4. Aph. 9. melancholicos, qui humores magis fixos, acidos, austeros in primis viis habent vehementius & quidem per inferiora purgandos precipit; idcirco illorum sal ad alcalinam naturam accedere minus ineptè, sed rectè judicamus, quandoquidem acida sal illud tenue volatile alcalinum figunt, & motum ætheris igneum sistunt. Vitriolum igitur, quod nihil aliud est, quam liquor acidus cum particulis metallicis venereis concretus prædominante acido minori dosi vomitum non movet, ut vim emeticam exerit, manifesto documento. Sal illud volatile naturæ alcalinæ ab acido cicurari.



( 11 )

Thesis VII.

Cum autem purgantia quoque salino sulphureæ indolis sint, & tamen non vomitum movent nisi per accidens, idcirco multum differentia, inter purgantia & vomitoria esse, id extra omne dubium versatur, & hanc convenientiam in volatilitate, quam præ purgantibus habent majorem, consistere judico. Specificam quidem & propriam differentiam minus admittit *Waleus*; sed negat dari realem & veram diversitatem inter purgantia, ita, ut hoc tantum vomitum cieat, illud solum alvum moveat; nec ullum discrimen hic inveniri posse contendit, quam limitationem quantitatis & additionem corrigentis, ita, ut purgantia quælibet majori dosi data fiant vomitoria & quælibet vomitoria correctæ sine omni virtute emetica *κατα* purgent. Sed *Cl. Wedelius in Amœnit. Mater. l. 2. Sect. 1. C. 8.* *Waleo* egregie respondet utrumque hoc assertum fallere, primum quidem exemplo hypercatharsecos, quæ toto die accidit, seu purgante medicamento propinato nisi per accidens humorum versus superiora motus eò citet & modifcet medicamentum, solum alvus citatur, & ibi fit hypercatharsis. Adde quod majori dosi propinatio v. g. aloe ad ℥iij. rhab. ad ʒβ. vomitum si quem faciunt, id præstent nauseabundā potius mole. Alterum vero, quod correctio *Walæana* sit nulla, putat enim ʒium vitæ, si addantur crysalli chalybis seu *Olum ʒtis* correctum esse, omnemque vim emeticam amittere, neque ratio ulla, nec experimentum rite factum id confirmant, quin potius *Olum ʒtis* majori dosi datum vomitum ciet, & h. m. mixtum cum *Pro* emetico, cum ʒ vitæ vomitum non prohibet ex nostra observatione. Hæc igitur *Walæi* sententia victa & expugnata jacet, & nullum dubium est, quin ipse *Walæus*, si hoc responsum argumentis & experimentis munitum audiat, emeticorum naturam & indolem a purgantibus differre volatilitate, omnino fateri cogatur.



Th. VIII.

Quæcunque igitur tam subtilissimo activo irritante principio instructa sunt, & quorum natura volatilior est, quam purgantium; illa ad vomitum movendum, excitandum apta esse non immerito judicamus, & ex eorum censu optima selectiora sunt: Ex vegetabilibus rad. asari, rad. hippocoan. quibus aliquid aromatici admixtum. Ex mineralibus & quidem antimonialibus ꝯ vitæ rite paratus pulv. Monexii, crocus metallorum & ex hoc paratus ꝯ emeticus Mynsicht. Ludovic. ▽ bened. Rulandi Syrup. emetic. dispensat. Brandenb. ꝯ emet. ex vitro ½ ii paratus qui vehementioris est naturæ. Ex Ⓣlicis; Ⓣlum alb. Gilla sic dicta Ⓣlic, Ⓣlum cypreum, TR. ꝯris Helvet. Hæc omnia recensita sunt arma, quibus vomitum expediunt Medicorum communissima, & ab illis magna & insigni commendatione & laude celebrantur.

Thesis IX.

Perlustratis & breviter recensitis quæ ad vomitum ciendum apta & usui inserviunt, utile futurum judico, ut usum & abusum eorum ante oculos sistam, illumque rationibus & experientia munitis ostendam. In confesso autem & hoc nobile evacuationis genus usu & fructu non carere, si modò prudenter adhibetur, quandoquidem anatomica demonstratio docet, fundum ventriculi & inferius ejus orificium item duodenum crassâ admodum & villosâ tunicâ tegi, qua nervea eaque sensibilis tunica investitur, unde salina, purgantia & quæ clementer alvum provocant, nihil proficiunt, ubi moles acidæ vel biliosæ materiæ ventriculi fundum. duodenum insedit. Quippe hæ partes, quod sensu hebetiore pollent, non sentiunt stimulos ejusmodi remediorum. Igitur nihil aptius est educendis his sordibus, quæ altius inhærent, quam lenia  
eme-



emetica. Illa enim sulphure & sale volatili quo constant, villosam tunicam penetrant, & nerveam stimulando & irritando facile spasmodicam contractionem in his partibus efficiunt, unde sordes, quæ intra eas desident, vi remedii expelluntur.

### Thesis X.

Cum autem cruditates, quæ ad malorum succorum generationem faciunt, morborumque plurimorum matres sunt fecundissimæ, optimè ejiciant, vomitoria è ventriculo & duodeno. Hinc in omnibus morbis, quorum causa in ventriculo & duodeno latet, & à vitiosa materia & cruditatibus dependet, maximam commendationem Emética merentur. Unde eorum usus in febribus intermittentibus non satis laude extolli potest, & *innoxia*, inquit *Hippocr. vomitio est, quæ pituita & bile permixta*, qualis est in febribus intermittentibus. Illa quoque in Arthritide, vel Podagrâ ante ingressum morbi cum fructu dantur & adhibentur, quia primas vias sordibus, quæ fomitem dolorum constituunt, liberant, hinc nonnulli singulis Mensibus ejusmodi Emeticorum usum svadent, ut *Alpius* facit in *Tr. de Med. Ægypt. pag. 210.* & *Mæb. in Epit. Institut. Medic.* inquit in imminente Arthritide & Podagra vomitoriis quid utilius? & *Mællenbroc. in Tr. de Arthr. vaga & scorbut. C. 8. de Purg.* non satis in imminente arthritico morbo commendare potest. Ulterius in Dysenteria, quando nempe primis diebus antequam sanguinis stasis vel inflammatio circa ventriculum & intestina observetur, magnam utilitatem promittit. Præterea ibi delitescens materia maligna quæ in sanguinem postea translata variolas, purpuram variique generis dolores suscitât. Optime tollitur vomitoriis & quasi fons horum morborum extinguitur. Ex quo haud temere colligas, non exoptatius præstantiusque dari præsidium in ejusmodi malis, quorum cruda & biliosa materia in ventriculo genetrix est,



est , quam ut teni emetico ille morborum fons exhauriatur , evacuatis diligenter sordibus , ne de iisdem sanguis commaculetur.

### Thesis XI.

Sed filum dissertationis nostræ ad horum remediorum abusum nos ducit , qui damnum & noxam non minorem inferre solet. Hoc vero damnum præcipuè observatur , si fortiora & in magna dosi adhibita Emetica , quæ non immerito , ut acriora purgantia mortifera & infamia remedia appellari merentur , offerant , eò , quod semper noxia observata fuerint , dum nempe vires prosterunt , tonum ventriculi destruunt , & lethalem inflammationem inferunt.

### Thesis XII.

Multo minus autem illis utilia sunt Emetica , qui genus nervosum debile & ad spasmos præclive habent , ut sunt fœminæ affectui hysterico obnoxia , puerperæ , hypochondriaci , quia magis debilitant , & tonum ventriculi destruunt , & labefaciunt , & spasmodicas crispaturas promovent & augent , anxietates , lipothymias & alia gravissima & periculosa symptomata producant.

### Thesis XIII.

Nihil vero deterius & magis perniciosum est , quam Emeticum iis porrigere , qui ex gravi iracundia ventriculum jam ad inflammationem inclinantem habent , siquidem Emeticum convellendo fibras ventriculi vehementi spasmō , constrictione inflammationem hanc magis promovet , quin imo universum nervosum genus , quod sub omnibus gravibus affectibus valde afficitur ejusmodi vehementi medicina ad spasmos & convulsiones omnium par-



partium non secus ac si venenum assumptum esset, disponitur. Quapropter si biliosis gravi & diuturniori iracundia tactis, quod experientia frequentissima observatum est ejusmodi medicina vehemens porrigitur, certe rarius mortem effugiant, nisi statim antispasmodicis demulcentibus succurratur. Cum autem emetica activioris indolis sint, & damnū sanitati imo mortem inferre possint, idcirco cum magna cura & cautione iis utatur, & omni studio contendat, ut abusum fugiat & usu profit. Et hæc dicta sufficiant. Nihil nunc magis exopto, quam ut dexterimè accipiatur hic meus qualiscunque conatus, cum ultro agnoscam, quam curta mihi sit supellex. Siquem vero errorem commisi, hunc ipsa humanitas excuset.

Interim DEO gratias quam maximas ago, quod  
meis cœptis adspirare voluerit.

F I N I S.





**E**st *Rosa* flos florum, splendor, reginaquæ Pæsti,  
 In cujus *roseo* purpura læta sinu.  
 Sic decus est ingens medicâ fulgere tiarâ,  
 Ac esse imbutum, Pæonis arte virum.  
 Purpureo *Rosa* bella suo vestitur ab ostro,  
 Atquæ Satellitio cingitur illa suo.  
 Si *Rosa* per campos expanso firmate floret,  
 Defendunt dominam Spinea Serta *Rosam*  
 Absquæ Satellitio nullis hæc floret in hortis,  
 Stipatur Spinis purpura grata *Rosæ*  
 Sic *Medicina Rosa* est, flos est, & gloria Pindi,  
 Sed sine spinoso non viret illa choro  
 Pæonis ars gravis est, spinas habet illa molestas,  
 Sed modò post spinas fert sine labe *Rosas*,  
 Maest *Rosenhayni*, valido qui corpore magnus,  
 Major Doctrinâ, maximus artis ope.  
 Perge tuis posthac patientibus addere vires,  
 Et tristes animos lætificare *rosis*.

ita

Clarissimo & Doctissimo Dno Doctorando  
*Rosenhaynio* de superatis in studio me-  
 dico spinis, & obtentis honorum *rosis*  
 animatus gratulatur & se se commendat

P R Æ S E S.